



Foto Pelikan

Na Hribu, a ponešto iznad nje gradina Turn s vanredno lijepim položajem. Polazna tačka za alpske ture na Storžič i Zaplatu. Lijepe šetnje, sunčališta i gусте šume u okolini. Prirodno kupalište u Kokri. Obavještenja: Općinsko načelstvo Preddvor.

Hoteli: Velkavrh, Grintavec, Križnar. Pension Brolih.

KOKRA

Prijatno ljetovalište (530 m) na ulazu u romantičnu dolinu Kokre. Selo se sastoji od pojedinih selišta. Spodnje i Zgornje Kokre, koja su rasijana na dva sata daleko po kokrskoj dolini. Glavni kraj sa crkvom i školom leži u dubokom klancu kraj velikoga zavoja Kokre među Kremsarjevom gorom (1141 m) i Gradiščem sa Turni (1696 m) pod Krvavcem. Kokra je čuvena sa svoga znamenitoga vidika na veličanstvenu bijelu Kočnu, Grintavec i Greben. Ovo je skromno ljetovalište važna turistička polazna tačka. Obilje izleta, šetnja i tura.

Obavještenja: Općinsko načelstvo Kokra.

Gostionice: Pri Jurju, Pension Vila dr. Globočnik.

JEZERSKO

Lijepom automobilskom cestom, 29 km daleko od Kranja stiže se u krasno planinsko ljetovalište, sunčano i uzdušno lječilište Jezersko, u slikovitoj i geološki znamenitoj ravnici tik pod Jezerskim Sedlom. Ovo je najviše ljetovalište u slovenačkim Alpama (906 m) sa slikovitom alpinskom okolicom pred ulazom u divlje romantične doline: Makedovu i Ravensku Kočnu, pod glavnom skupinom Savinskih Alpa. Jezersko se s pravom smatra za najljepšu visokoalpinsku kotlinu u svima istočnim Alpama. Kako je sa sviju strana opkoljena visokim stijenama i padinama, ova